

幾希錄



道光元年仲夏鐫

錢希錄

板存紹城司獄司前鳳儀橋下金瑞五  
堂或向府橋鏡清寺前朱增耀刻字店  
印釘亦可勿部工料制錢八拾文

幾希錄序

孟子曰人之所以異於禽獸者幾希庶民去之君子存之存之者存其理卽存其心也經云心正而后身脩身脩而后家齊又云自天子以至於庶人壹是皆以脩身爲本蓋以人藏其心不可測度身則心之外著者也能脩其身必正其心而齊治平胥由此則以幾希之存故也且存此幾希之理莫要於明物察倫倫有五而君臣爲首食毛踐土盡屬君恩蚩蚩之民坐享太平之福目不睹九重宮闕耕田鑿井欲報無由但能脩身齊家於父母兄弟妻子之間各盡其孝弟慈之道爲閭閻之良民卽不負朝廷之教養而亦異於庶民之去幾希者夫幾希之去非其性使然也良由自幼至壯傲惰其肢體恣縱其嗜慾家庭之內無人責備卽朋友亦無規過之言習與性成遂牴牾

其幾希之心而人直同於禽獸悲夫於是有心世道者著爲勸善懲惡諸說如敬信錄寶善編以及訓俗遺規脩齊輯要等書不可枚舉誘掖獎勸愷切詳明誠可以發聾振瞶矣但卷帙繁多恐閱者易生倦心且多詞句雅飭宜於文人而不便於流俗因將諸善書中所脩身齊家之事擇其詞理顯明者摘而錄之彙爲一編卽稍解句讀者無不開卷了然倘能隨時隨事觸目警心化其積習庶倫無不察身無不脩而此幾希之心遂長存而不去姑無論積善之家必有餘慶卽一種太和翔洽之氣洋溢門庭不亦人生之樂事哉

道光元年夏仲瑞玉堂主人謹識



幾希錄目次

父母

兄弟

妻子

持身

附勸弗雇乳媼說



幾希錄

父母

太微仙君曰天下那有不孝之子卽有不孝子稱之孝則喜稱之不孝則愧此非良知不汨沒處乎充得此念便是大孝根基奈爲習氣所使依舊不孝也要知此習心習氣何由而成知所以自克則知所以孝矣

何蒼玉曰父兮生我母兮育我人無父母身從何來方母十月懷胎擔驚受怕迨臨盆之日正是母難之時生死關頭只在頃刻幸而產下無事則又推乾就濕洗穢分甘抱不離手寢不安席至乳產旣多血氣耗敝形枯體瘠面若雞皮背痛腰酸疾病時作念及此而母恩之當報爲何如也父當臨產之際不免同此憂驚見甫孩提保護備

至方食猶恐兒饑未寒先愁兒冷見兒聰慧則憂其不壽見兒愚鈍則憂其無知既就師傅則憂其離左右而難照管迨爲婚娶又憂縱嗜慾而致傷生有病憂不立愈習業憂不速成卽或義方不肖不得不加之箠楚者然傷在子體實痛在父心父恩之當報爲何事也

許梅村曰世之入於不孝者其弊有由細爲扶其弊源庶足發其深省蓋不孝有小有大其小不孝之所以習成者有四一曰驕寵因父母憐愛過甚常任他性子驟而拂戾則便不堪常任他佚豫令之執勞則便不習人前出言稍有過失父必思爲子揜飾也而子乃收唐突其父文行藝能父譽子惟恐不在我上也而子必欲父之出我下二曰習慣語言粗率慣漸成冲突動作簡易慣漸成放恣父母自奉

省儉○慣○遂○不○復○憶○其○甘○旨○父○母○扶○病○任○勞○慣○遂○不○復○問○其○痛○癢○三○日○  
樂○縱○見○同○輩○不○勝○意○氣○對○雙○親○而○味○薄○入○私○室○千○般○趣○態○望○高○堂○而○  
機○空○甚○且○有○視○父○母○兄○弟○爲○俗○物○者○矣○不○樂○相○對○則○豈○有○孝○心○發○耶○  
四○曰○忘○恩○記○怨○夫○恩○習○久○愈○忘○怨○習○久○愈○積○人○情○然○也○況○父○母○兄○弟○  
生○而○習○之○以○愛○護○爲○故○常○且○有○譽○我○而○被○厭○者○矣○以○訓○迪○爲○聒○耳○且○  
有○憂○我○而○反○慍○者○矣○以○任○勞○庇○護○竭○力○經○營○爲○平○常○且○有○指○爲○強○與○  
吾○事○而○怒○恨○者○矣○眼○前○大○恩○恬○然○罔○識○又○安○能○推○及○胎○養○之○勞○襁○哺○  
之○苦○乎○哉○其○大○不○孝○之○所○以○習○成○者○亦○有○四○一○曰○私○貨○財○財○入○吾○手○  
便○謂○吾○有○而○在○父○母○手○亦○謂○吾○得○而○有○之○也○財○足○則○忘○親○財○乏○則○覲○  
親○求○財○不○得○則○怨○親○親○不○能○自○養○而○寄○食○吾○財○則○又○厭○親○甚○且○有○單○  
父○隻○子○而○爭○財○囉○哩○者○矣○少○長○互○推○而○棄○親○不○養○者○矣○不○思○身○誰○之○



身財誰之財。我不帶一財來。而強哺無缺。以至今日。誰之恩乎。二曰。私妻子。妻子習狎。而父母嚴重。也有美味錢財。欲以娛妻。寵子。有佳會良辰。欲以擁妻抱子。而懷親之念。遂微也不思。子爲我子。而我爲誰子。親念我。我不顧親。使我子。而如我。則亦何賴有子哉。夫妻固是樂事。然當呱呱待哺。便溺未知之時。豈解戀妻。抑妻能擁我生活耶。辛勤育我。指望娶婦。代勞貽燕。乃有婦而親反不得有子耶。三曰。嫖蕩慾火正熾。客誘如狂。有倚閭傷心者。不顧也。家業浪費。姑婦勃蹊。有激聒誚讓者。不顧也。懷子不寐。風雨淒長夜之魂。垂白無歡。菽水冷半生之奉。吁嗟傷哉。狂興幾何。忍令有此。四曰。爭妒天地之大也。人猶有憾。父母之於衆子也。情豈無偏。乃攘臂爭分。側目尊寵。或兄弟而齟齬不平。或姊妹而計較纖悉。護短爭長。分曹伐異。相讒讒而

家道暇積嗔怒而孝情薄矣此四者人之常情而其流遂至於大不  
孝可不慎歟至人之厭憎老親者亦有故一日迂濶衣冠禮數老人  
家不合時宜此當思古貌古心倍覺可喜可懼二曰惜財鰥鰥持簞  
禁子孫濫用此當思爲誰節儉三日尪弱起止不便扶持維艱此當  
思我幼時無識無知父母弄爲歡笑養兒防老正在此時四曰憐愛  
內懷少子解衣推食偏愛太甚此當思我少時父母亦是這般憐我  
倘於此起一厭心漸入不孝而不自知矣  
司馬公曰孝道何盡及時爲貴母使親年日短而悔吾心之未盡母  
使子力日裕而傷吾親之不逮爲父母者待子能養時大約五六十  
歲矣譬如持短燭而行長路奔趨投店尚恐不及況敢逍遙中路哉  
爲人子者擁妻抱子飽食安眠豈知堂上髮白眼暗之老人又復剛

除一日乎。妻子之年方少。享用之日正長。而生身父母一去不復上天下地。尋覓無門。危哉。幸未及此。速宜孝養。

袁氏世範曰。父母見諸子中有貧者。往往念之。飲食衣服之分。或有偏私。子之富者。或有所獻。則轉以與貧者。此正父母均一之心。而富者或以爲怨。殆未之思也。試思我貧父母。亦移此心於我矣。

呂叔簡曰。人子之道。莫大於事生。百年有限之身。一去不回之日。得盡一時心。卽免一時悔矣。

又曰。血氣調於喜歡。疾病生於惱怒。壽親之道。無他一悅字盡之矣。陸桴亭曰。以身孝父母。不若以妻子孝父母。以身孝父母。容有不盡之時。以妻子孝父母。更無不到之處。

子鐵樵曰。貧人奉養。亦非難事。父母既處寒微。眼界本來不大。布素



衣裘時新食品隨意一物皆可娛親所費原自無多父母得之已生  
歡喜況人雖極貧極苦未有終歲無一錢之入者但能先儘二人之  
用而後及其身而後及其妻子卽竭力之道也若夫富貴之家卽將  
父母所遺還以奉之父母不過畧費一番調度體貼而猶不肯効此  
微勞耶顯揚之事全要仰體父母望子之心人間名利雖非可必得  
之物然爲子之人苟能各勤其職業如讀書者能埋頭刻苦種田者  
能努力腓胝貿易者能盡心經營使父母意中常作一做封翁做財  
主妄想亦是養志之一訣爲人子而使父母無想之可妄則其心痛  
矣嗟乎子生三年之內懷中提抱口內含飴與父母何等親切偶然  
他人抱去卽便啼哭思親乃日長一日日疎一日不但天性漠然甚  
至反生許多求全責備父母之爲父母也苦矣



陳成卿曰世有婢妾而爲生母者同是一般女子生於貧賤之家落  
在富貴之手共食之日少獨宿之夜多造化者遇着賢慧或者半晴  
半雨尚可勉強度日若逢妒悍之性終日惡聲相加百般凌辱不  
一語便罵犯分無禮畧訴半句便恨枕邊教唆更遇不孝媳婦不  
子女不思爲父翁矜恤一味向母姑搬挑下人復從而和之風波起  
於平地霹靂降自青天又不幸主人情薄冷暖不知疾痛勿恤閨中  
淚濕青衫門外歡呼暢飲甚有溺愛新寵厭棄舊情薄命自憐幾番  
尋死真可痛悼偶爾得胎多方掩飾掩飾不過受盡懶懶坐草臨盆  
誰來看護幸而得子妒忌不容加意小心動云恃子放肆子有疾病  
剋肉醫瘡甘受凍餓經云十月懷胎娘辛苦三年乳哺母勤勞若身  
爲婢妾勤苦更十倍尋常也到得長大成人享有妻子享有田房全

不想今日受用都從吾母血枯骨瘠淚乾腸斷中來言念及此能毋爲之酸鼻乎爲子者當想此情發憤立志誓圖一日顯揚以酬萬世千辛居恒侍奉須念母氏勞苦風燭可憂早早奉養若不能盡心竭力比尋常不孝子更爲大逆不道定當急受誅矣又有前後之間嫡庶之際父母或有偏向而不慈爲子者亦易生嫌怨此當積誠感格委曲盡心期於必得歡心而後已彼亂臣賊子其始皆見君父有不是處微根不除遂至橫決爾

寶善編云大抵養父母的身約有四樣一是飲食富者貴珍羞甘旨貧者力不足就是家常菜蔬只要鹹淡得宜生熟中節畧有好食惟供父母大約年老的人脾胃虛弱飲食難得消化進的食物須要熱的熱的軟爛的香美的凡是生冷粘膩堅實難化之物不可與食新

米新麪糍粑傷脾之物亦不可與食凡食不可過飽不可過饑吃過  
飲食勸他走動走動不可呆坐晚上畧吃些須食物這飲食調理人  
子要放在心上一是衣服富者須錦繡細軟貧者只要冷暖合宜  
幼年的人未冷先怕冷未熱先怕熱冬月衣服內棉花每年要  
新的薄棉襖多做兩件秋冬來漸漸加添春暖時漸漸減去寒夜將  
錫造湯壺放在被內因無火氣老人最好夏衣須頻頻洗換若或鰥  
父寡母獨睡孤眠更要加意照管這衣服調理人子要放在心上一  
是起居凡江湖風浪危橋險岸黑夜黑早雨雪霜霧俱不可令父母  
輕往凡喪祭關訟憂愁的事俱不可令父母輕到至於勞心費力的  
事俱不可令父母去做遇喜慶快樂安逸的事就多勸父母去行再  
如父母性所喜好的如念佛設禪或閒行遊玩或老友聚談或酒會



或飯會力勸多行其行住坐臥俱要照管扶持這起居調理人子須  
放在心上一是疾病人子於父母疾病要加意調攝小心扶持不離  
左右思其受病之由先用食治如老人燥結可用牛乳人乳肉湯  
湯等物洩瀉可用炒麪稠粥之類風寒可用葱薑胡椒有食可用砂  
糖神麪山查若不得已然後請名醫用藥全要審其藥性當否不可  
輕用尅伐不可爲庸醫所誤凡煎製湯藥進奉飲食俱要自己親爲  
不可委之奴婢晝夜在父母牀旁坐臥衣不解帶食不甘味或要茶  
要水飲食藥餌俱小心服事燈火不熄只候病好方纔放心這疾病  
調理人子須放在心上

兄弟  
願體集云父母而下惟有兄弟孩提之時無刻不追隨相好長各有



室或聽妻子言語或因財帛交易多致參商有餘則妒忌不足則較量及患難相臨雖至厚之親朋終不若至薄之兄弟總以同居共處爲妙然有勢不能不分者如食指多寡不同人事厚薄不一各宜輕戚交遊各有好尚不齊難稱衆心易生水火若皆各行其志則事無條理況妯娌和睦者少米鹽口語易致爭端分爨而不分居者爲上若至分居兄友弟恭當愈加和好語云兄弟同居忍便安莫因毫末啟爭端眼前生子又兄弟留與兒孫作樣看寸耕鈔畧云人家兄弟當養生送死時應作父母少生一子想當析產受業時應作父母多生一子想今之兄弟爲父母用財則互相推諉及受父母之財又互相爭競噫父母生子時多生一子則多一喜歡今若此則是多生一子卽多一禍害不如不生之爲愈矣